



## II. ATALA BIZKAIKO LURRALDE HISTORIKOKO TOKI ADMINISTRAZIOA

### Bermeoko Udala

#### Bermeoko kirol taldeen jarduera arrunta finantzatzeko oinarri espezifikoen aldaketa onartzea.

2024ko irailaren 26ko Osoko Bilkuran, Bermeoko kirol taldeen jarduera arrunta finantzatzeko oinarri espezifikoen aldaketa onartu da.

#### BERMEOKO KIROL TALDEEN JARDUERA ARRUNTA FINANTZATZEKO OINARRI ESPEZIFIKOEN ALDAKETA ONARTZEA

#### Xedea

Bermeoko kirol taldeen jarduera arrunta finantzatzeko oinarri espezifikoen aldaketa onartzea.

#### Aurrekariak

*Lehenengoa:* 2022ko abenduaren 19an Udal Osoko Bilkurak, 2023-2025 Dirulaguntzen Plan Estrategikoa onartu zuen, Erabaki horren iragarkia 2023ko martxoaren 6ko Bizkaiko Aldizkari Ofizialean argitaratu zan.

*Bigarrena:* Dirulaguntzen Plan Estrategiko horretan oinarrituta, Bermeoko kirol taldeen jarduera arrunta finantzatzeko oinarri espezifikoak prestatu ziren.

*Hirugarrena:* 2024ko martxoaren 21eko Osoko Bilkuran, Bermeoko Udaleko dirulaguntzen balorazio batzordea eratzea onartu zen.

*Laugarrena:* Oinarrietan akats batzuk eta hobetzekoak antzeman dira.

#### Argudioak

*Lehenengoa:* Balorazio batzordearen eraketa zuzendu beharra dago eta antzemandako akatsak eta hobetzekoak ere jaso behar dira. (Gorritz agertzen dira).

*Bigarrena:* Oinarri Espezifikoak onartzeko ahalmenari jagokonez, Dirulaguntzen 38/2003 Lege Orokorraren 9.2. eta 17.2. artikuluan eta Toki Erregimenaren Oinarriak arautzen dauzan 7/1985 Legearen 22.2d) artikulugaz bat, Osoko Bilkurari jagoko.

#### Erabakia

Udal Osoko Bilkura honek, aho batez, honakoa

#### ERABAKI DAU:

*Lehenengoa:* Bermeoko kirol taldeen jarduera arrunta finantzatzeko diru laguntzen oinarri espezifikoen aldaketa onartzea.

*Bigarrena:* Erantsitako Bermeoko kirol taldeen jarduera arrunta finantzatzeko urteko diru-laguntzen oinarri espezifikoak onartzea.

*Hirugarrena:* Oinarriak Diru-laguntzen Datu Base Nazionalean argitaratzeko agindua emotea Kirol Sailari.

Bermeon, 2024ko urriaren 14an.— Alkatea, Nadia Nemeh Shomaly



## BERMEOKO KIROL TALDEEN JARDUERA ARRUNTA FINANTZATZEKO URTEKO DIRU-LAGUNTZEN DEIALDIAREN OINARRI ESPEZIFIKOAK

ESPARRUA: KIROLA

IN-E 180/05-21

Udal Sailsa	Kirol Sailsa
Instruktorea	Kirol Saileko zuzendaria.
Balorazio batzordea	<ul style="list-style-type: none"><li>EH Bildu: Endika Etxebarría Tellería jauna eta ordezkoa Bitor Uriarte Anasagasti jauna.</li><li>EAJ: Idoia Platas Arenaza andrea eta ordezkoa Alazne Zumeta Garro andrea.</li><li>Guzan: Xabier Ortuzar Butron jauna eta ordezkoa Maite Caruezo Ugalde andrea.</li><li>Idazkaria: dirulaguntza lerro bakoitzaren instruktorea.</li></ul>
Dirulaguntza ebatziko duen organoa	Tokiko Gobernu Batzarra.
Ebazpena jakinarazteko epea	Ebazteko eta jakinarazteko 60 egun egongo dira, deialdian eskaerak aurkezteko epea amaitu eta hurrengo egunetik zenbatzen hasita.
Dirulaguntzaren lerroa	Kirol taldeen jardura arrunta bultzatzea.
Kodea	
Aurrekontuan zehaztutako diru kopurua	Urteko aurrekontuan jasotako kopuruaren arabera.
Helburuak	<ul style="list-style-type: none"><li>Herri osorako jardura arruntetik haratago antolatzen diren jolas izaerako kirol jardura berezien eta/edo noizean behingo jardueren antolaketa sustatzea, laguntza ezberdina edota gehigarria eskatzen dabenak.</li><li>Herritarren aukerak kirola praktikatzeko areagotu.</li><li>Ohiko kirola sustatu herritarren osasuna areagotzeko eta gizarte harremanak eta bizi-kalitatea hobetzeko.</li><li>Kirol praktika federatuari bultzakada emon bere emaitzak eta antolaketa optimizatzen.</li><li>Herritaren izenaren zabalkundearen eragina daukien kirol-ekimenak sustatzea.</li></ul>
Epeak	<ul style="list-style-type: none"><li>Eskariak aurkezteko epeak, Bizkaiko Aldizkari Ofizialean argitaratuko diren deialdietan zehaztuko dira.</li><li>Justifikazioak aurkezteko epeak, Bizkaiko Aldizkari Ofizialean argitaratuko diren deialdietan zehaztuko dira.</li></ul>
Balorazio irizpideak	<ol style="list-style-type: none"><li>Federatutako taldeko:<ul style="list-style-type: none"><li>Lurraldeko lehiaketetan daudenengatik: 10.</li><li>Autonomia erkidegoko lehiaketetan daudenengatik: 20.</li><li>Estatuko lehiaketetan daudenengatik: 30.</li></ul></li><li>Bermeon helbidea duen federatutako kirolari bakoitzeko:<ul style="list-style-type: none"><li>Banakako kirolean: 02.</li><li>Taldeko kirolean: 01.</li><li>Euskadiko selekzioan dagoen kirolari bakoitzeko: 01.</li><li>Euskadikoaren gainetik dagoen selekzioaren baten dagoen kirolari bakoitzeko: 02.</li></ul></li><li>Entrenatzaileko:<ul style="list-style-type: none"><li>Erdi mailako hasiera zikloko teknikaria edo I. mailakoa: 03.</li><li>Erdi mailako bukaera zikloko teknikaria edo II. mailakoa: 06.</li><li>Goi mailako teknikaria edo III. mailakoa: 10.</li></ul></li><li>Herritar guztien parte hartze aktiborako eta Bermeoko Udalaren diru-laguntza gabeko kirol jardura antolatze bakoitzagatik: 2.</li><li>Ikastetxeekin eskola-kirola bultzatzeko lankidetzako jardura bakoitzagatik: 2.</li><li>Kirol jarduerak sustatzeko Bermeoko Udalaren lankidetzan arituta antolatutako kirol jardura bakoitzagatik: 2.</li><li>Areneko udal kiroldegia derrigor erabili behar duten klub bakoitzeko federatuen %25 puntuatuko dira.<ul style="list-style-type: none"><li>Talde berriek lehen urtean 300 euroko diru-laguntza zuzena jasoko dute, euren jarduerari aurre egiteko.</li><li>Puntuak gehienez 60 euroko balioa izango du.</li></ul></li></ol>



<p>Hizkuntza irizpideak</p>	<ul style="list-style-type: none"> <li>– Diruz lagunduko diren elkarteek eta udalaren arteko ahozko eta idatzizko harremanak, ahal den kasu guztietan, euskaraz bideratuko dira.</li> <li>– Diruz lagunduko diren ekimenen edo ekintzen ondorioz egingo diren idatzi, ohar, kartel eta gainerakoak, gutxienez, euskaraz egingo dira beti euskarari lehentasuna emanez.</li> <li>– Publizitatea, bai ahozkoa, zein idatzizkoa, gutxienez, euskaraz egingo da beti lehentasuna euskarari emanez.</li> <li>– Diruz lagundutako kirol eta kultura elkarteek antolatuko dituzten eskola, tailer, entrenamendu, saio eta abarrek euskaraz izango dira, eta arreta berezia jarriko zaie ume eta gazteei zuzendutakoek. Kasuren batean, monitorearen gaitasun ezagatik ezinezkoa balitz euskaraz bideratzea, gutxienezko komunikazioa euskaraz izatea bermatuko da (agurrak, esaldi solteak...).</li> <li>– Diruz lagundutako kirol eta kultura elkarteek euren jarduna bideratzeko monitorerik kontratatu behar badute, kontratatzeo baldintzen artean monitore jarduna euskaraz normaltasun osoz bideratzeko hizkuntza gaitasuna duten giza baliabideak kontratatzea hobetsiko dute. Euskaraz jarduteko gaitasun nahikoa duten giza baliabideak bilatzeko lan aktiboa egingo da.</li> <li>– Elkarteek euren jardura arruntak bideratzeko (eskolak, tailerrak, entrenamenduak, saioak, ikastaroak...), erabiltzaileei edo herritarrei zuzenduta egingo dituzten ekintza guztietan, posible den heinean, bermatuko da euskararen presentzia bai ahoz, zein idatziz (batzarrek, ate irekiak saioak, ekitaldiak...). Egunerokotasunean erabiltzaileei informazioa helarazteko edo herritarrei zuzenduta erabiltzen dituzten informazio kanaletan ere euskara erabiliko da posible den kasu guztietan (whatsapp taldeak, posta elektronikoa, sare sozialak...).</li> <li>– Hitzaldiak, jaialdiak, lehiaketak, kanpainak, eta abar, euskaraz egingo dira posible diren kasu guztietan.</li> <li>– Diruz lagunduko diren ekintzetan, bozgorailu bidez ematen diren mezuak, lehendabizi, euskaraz izango dira.</li> <li>– Hitzaldietan, ahal den guztietan, hizlariak euskaldunak izateko ahalegin berezia egingo da. Hizlari euskaldunik ez balego, aurkezpena eta jorratuko den gaiaren laburpena euskaraz egingo dira.</li> <li>– Hitzaldiez aparteko ekintzetan, aurkezle lanetan ere, euskarari lehentasuna emango zaio. Ekintza amaitu ostean, elkarrizketa sortuko balitz, euskaraz izan dezan ahalbidetzeko itzulpen lanak egitea hobetsiko da posible den kasuetan.</li> <li>– Diruz lagunduko diren ekintzetan euskal musika jarriko da, bai jardura orokorrean (eskolak, entrenamenduak...), zein berezietan (lehiaketetan, jaietan...) edota jaietan, zein merkataritza eta/edo ostalaritza dinamizatzeo ekintzetan, eta euskal kulturarekin, eta euskal identitate eta izaerarekin lotutako ekimenak bideratzeko ahalegina egingo da.</li> <li>– Euskararen kalitatea bermatu beharko da aipatutako ahozko eta idatzizko ekintza guztietan. Horretarako, ekintzaren sustatzaileak beharrezko ikusiko balu (ere), ekintzak publikizatzeo jendaurrean jarriko diren euskarriak Euskera Sailera bideratu ahalgo dira honek hizkuntza kalitatea bermatzeko helburuarekin, gainbegiratzeko eta laguntza lana egin dezan.</li> <li>– Taldeek izan dezaketen zalantzak argitzeo, eta, jendaurreko ekintza idatzietan kalitatea bermatzeko, udaleko Euskera Sailari laguntza eskatzea gomendatzen da.</li> <li>– Gomendatzen da baita ere, Bikain Kalitate ziurtagiria edo Bai Euskarari ziurtagiria lortzeko pausuak ematen hastea diru laguntzaren onuraduna.</li> </ul> <p><i>Oharra:</i> Publizitate edo zabalpen lana egiteko, euskara ez eze, beste hizkuntzaren bat erabili behar denean, euskarari lehentasun osoa emango zaio.</p> <p>* Hizkuntza irizpideak azaltzeko, «elkarte» terminoa erabili da, baina irizpide hauek dirulaguntzen onuradun guztiek bete beharrezkoak dira, dirulaguntza hartuko duten pertsona fisiko eta juridiko pribatu guztiek betetzekoak, hain zuzen ere.</p>
<p>Eskatzaileak</p>	<ul style="list-style-type: none"> <li>– Espezifikazioak: Jarduera ekonomikoa garatzen edota garatzen ez duten pertsona juridikoak. Helbide soziala eta bere ohiko kirol jarduera Bermeon garatu behar dute. Euren jardueran %30etik gorako autofinantzaketak izan beharko dute.</li> <li>– Bazterteak: Diru-laguntza eskatzen duten kirol taldeetako jokalariek batek ere ezin izango du dirurik kobratu kirola egitearren.</li> </ul>
<p>Diruz lagunduko diren kontzeptuak</p>	<ul style="list-style-type: none"> <li>– Arlo honetan diru-laguntzak jaso ditzaketen kontzeptuak dira: formazioa, baliabide materialen hornikuntza eta giza baliabideak, aholkularitza bulegoak, aseguruak, federazioen kuotak, beharrezkoak diren kudeaketa gastuak, ohiko kirol jarduerekin zerikusia daukaten garraioak, eta ohiko jardueren gastuak, hau da, aurrekontu txikia daukatenak, urteko egutegian egiten diranak, gastuak ohiko aurrekontuan daudenak, e.a. Oro har, jardura berezi moduan identifikatuta ez daudenak.</li> <li>– Ez dira finantzatzeko honako gastu hauek: luxuzko gastuak (primak, opariak), kirolariei ordainketak, protokoloarekin lotutako ostalaritza eta ostatu gastuak, banku-interesak, administrazio-zigorak, merkaturako balioa baino altuagoa duten gastuak...</li> </ul>



<p>Prozedura eta aurkeztu beharreko dokumentazioa</p>	<p>– Diru-laguntza emateko prozedura: Konkurrentzia lehiakorra.  – Aurkeztu beharreko dokumentuak, (eranskinak euskaraz):  <b>Eskarirako:</b>  a) Udal diru-laguntza eskatzeko orri normalizatua behar bezala beteta (IN-G 241).  b) IFKren kopia eta kirol taldearen estatutuak aurreko urteetan ez badira aurkeztu.  c) Ogasun Sailaren eta Gizarte Segurantzaren ziurtagiria esanez egunean daudela betebeharrak fiskaletan eta Gizarte Segurantzaren (azken hau Bermeoko Udalari baimena emanaz gero udalak ziurtatuko luke).  d) Dirulaguntza eskatzen den denboraldirako taldeak izandako aurrekontu eta gastuen aurreikuspena (Dirulaguntzaren eskaria-aurrekontua).  <b>Justifikaziorako:</b>  e) Dirulaguntza eskatzen den denboraldian eginiko jarduera txostena edo memoria (IN-G 244): eginiko jardueren txostena, bertan deskribatu beharko dira egindako jarduerak, zabal-kunderako hartutako neurriak, jarritako helburuak eta eskuratutako emaitzak eta helburuen lorpen maila. Txostenaren gehienezko luzera 4 orrikoa izango da. Talde-kiroletako taldeek zenbat talde eta zein mailatan lehiatu diren espezifikatu beharko dute. Atal honetan zehaztu beharko da euskararen erabilera kirol jardueretan (entrenamenduak, publizitatea...)  f) Kontu garbiketaren aitortzea (IN-G 245) eta Diru-sarreraren eta gastuen zerrenda (IN-G 243). Puntu honekin batera fakturak erantsiko dira, dagokion ordainketa ordainagiriarekin.  g) Taldeko kirolari federatuen zerrenda, denboraldian zehar 14 urte betetzen dituztenak barne. Zerrenda hau federazioak sinatutako orrian agertu beharko da eta honako datu hauek egon beharko dira: jaiotze data, helbidea duen herria eta parte hartu duen lehiaketak edo kirolari bakoitzaren fitxaren kopia eta parte hartu duen lehiaketako aktaren kopia bat, baina beti eskatzen diren datuak islatuz (jaiotze data eta bizi den herria).  h) Dirulaguntza eskatzen den denboraldian talde federatuekin aktiboki dauden entrenatzaileen zerrenda eta beraien titulazioa. Titulazio ofizial originala aurkeztu beharko da.  i) Dirulaguntza eskatzen den denboraldian egindako jarduerak edota herri ekimenak Udalaren intereseko arloak bultzatzeko: hizkuntza, generoa, ingurumena, ekimen solidarioak, eskola-kirola bultzatzeko lankidetzak, herrian kirola bultzatzeko eginiko ekintzak bere kabuz edota Udalaren laguntzarekin (IN-E 161).  Puntu honetan erabilitako publizitatearen kopiak erantsi behar dira: programak, kartelak, argazkiak, kamisetak, etab.  Euskarri hauetan guztietan Bermeoko Udalaren logoa agertu beharko da.  <b>Akatsak zuzentzeko epea</b>  – Diru-laguntza eskarian ez badira eskatutako agiri guztiak aurkezten, interesdunak 10 egun izango ditu akatsak zuzentzeko, jakinarazpena jasotzen denetik kontaktzen hasita.  – Denbora tarte horretan ez badira zuzentzen, eskariari uko egiten zaiola ulertuko da.  <b>Diru-laguntzak emateko prozedura</b>  – Diru-laguntzak prorrata sistemaren bidez emango dira, puntuazioaren arabera, aurrekontuko dotazio osoa banatuta.  – Diru-laguntzaren zenbatekoa, gehienez ere, aurrekontuaren %70a artekoa izango da.  – Aurkeztutako proposamenek gutxienez, 10 puntu lortu beharko dituzte dirulaguntzaren bat jasotzeko.  – Puntuak gehienez 60 euroko balioa izango du. Emango den gehiengo kopurua : 5.000 euro.  – Dirulaguntza hau bateragarria da beste dirulaguntza batzuekin.  <b>Diru-laguntzak ordaintzea</b>  – Bermeoko Udalak ordainketa egiteko, aurreko denboraldi edota urteko balantzea aurkeztutako beharko da dagokion justifikazioarekin. Diru-laguntza ondo justifikatzeko, balantzean (kitapean) agertzen den aurrekontuaren %100a fakturekin justifikatu behar da.  – Desadostasunik balego, Balorazio Batzordeak aztertuko luke.  <b>Diru-laguntzaren onuradunen betebeharrak</b>  1. Bermeon, paneletan ezin dira 35 kartel baino gehiago jarri. Hormetan ere, ezin izango da kartelik jarri.  2. Jasotzaileak bere ohiko kirol jarduera zabaltzeko egiten duen publizitatean (iragarkiak, ekipajeak, kartelak, webgunea,...) Bermeoko Udalaren logoa agertu beharko da.  3. Ezingo dira zorrik izan Bermeoko Udalarekin.  <b>Diru-laguntzaren justifikazioa</b>  1. Diru-laguntzaren onuradunak denboraldiko diru-laguntzaren justifikazioa egin beharko du udal eranskinen arabera, egoitza elektronikoan, Bermeoko Udaleko dirulaguntzen oinarri orokorren 17. artikuluan jasotzen den moduan, eskaria aurkezteko dagoen epe berean.  2. Ebaluazio-memoria eranskineko edukiaren arabera egingo da: egindako ekintzen garapena, parte-hartzaileak, balorazioa eta balantze ekonomiko osoa jasota.  3. Erabilitako publizitatea aurkeztu beharko da, aurretik ez bada aurkeztu.  <b>Akatsak zuzentzeko epea</b>  Justifikazioan ez baditu eskatutako agiri guztiak aurkezten, interesdunak 10 egun edukiko ditu akatsak zuzentzeko, jakinarazpena jasotzen denetik kontaktzen hasita.</p>
<p>Aurreikusitako kostuak programa honetan</p>	<p>Urteko aurrekontuan jasotako kopuruaren arabera.</p>
<p>Jarraipen eta ebaluaketarako adierazleak</p>	<p>– Diru-laguntza hau jasotzen dutenetatik gutxienez %70ak talde mistoak izatea edo emakumeenak.  – Diru-laguntza hau jasotzen dutenek kirolarekin lotutako herri ekimenetan urtero parte hartzeren bat izatea (hizkuntzarekin, generoarekin, ekimen solidarioekin, ingurumenarekin, ... zerikusia dutenak).</p>



Erlazionatutako agiriak	– Eskaera egiteko eranskinak: IN-G 241, aurrekontuaren eranskina (excel). – Justifikazioa egiteko eranskinak: IN-G 243, IN-G 244, IN-G 245 IN-E 161.
Genero eragina	Bat ere ez.
1/1982 LOaren arabera argitagarria ez den emakida	Maiatzaren 5eko 1/1982 Lege Organikoa, Ohorerako, Norberaren eta Familiaren Intimitaterako, eta Norberaren Irudirako Eskubidearen Babes Zibilar buruzkoa.
Bai/Ez	Ez.